



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : DELIA MEMORIAL SCHOOL (HIP WO)  
**學校名稱** : 地利亞修女紀念學校 (協和)  
**Name of Play 劇名** : 童真不再  
**Script writer 劇作者** : 黃子墨、易思娜、冼朗婷、鍾欣彤、鄧竣升

**Synopsis 故事大綱:**

平凡但快樂的生活，相信大家都嚮往，這個家庭也不例外！為了讓家庭有舒適的生活，爸媽被工作的壓力影響常常吵架……女兒想讓爸媽和好，卻在一次意外…….



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場：車禍

(童童正在遊樂場門前等待父母)

(燈亮)

(遊樂場音樂起)

童：點解 Daddy 媽咪咁耐都未嚟嘅.....

賣氣球叔叔：行過路過唔好錯過呀！

童：(望到對面有氣球)，嗰啲係咩嚟㗎？係彩色氣球呀，如果買比 Daddy 媽咪，佢哋實會開心番啫.....我要買黃色嗰個！(衝過馬路)

(車禍聲效)

賣氣球：喂喂喂？999 係咪呀？呢度有車禍呀！

(播放影片)

(手術室急救畫面)

(背景燈光亮)

醫生：我哋已經盡曬力，家屬.....請節哀順變。(面向護士) 搶救無效，死亡時間為下午 4 時 25 分 37 秒。

父：醫生！李樂童啊！你有冇 check 清楚我哋個女李樂童啊？

母：死亡？唔會㗎！爸爸，今朝童童仲一齊同我哋食早餐，點會突然死咗？

醫生：請節哀順變，你哋都係幫死者處理身後事啦。

(醫生離場)

父：你冷靜啲！

母：冷靜啲咩啊！我哋而家就去搵童童，童童一定仲喺遊樂場等緊我哋

父：冷靜啲啦！個女已經死咗啦！

童靈魂：媽咪，我喺度啊，我唔係應該喺遊樂場嘅咩？爹哋媽咪，我哋一齊去買氣球啊，我見到有個氣球好靚㗎,daddy！媽！你哋聽唔聽到呀！點解唔應我嘅！



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

母：冇咗童童點算呀……

童靈魂：媽咪唔好喊啦（嘗試擁抱媽咪）點解攞唔到媽咪嘅？媽咪你聽唔聽到我講嘢啊，你應下我  
啦！我好驚啊（轉向並擁抱爸爸）daddy！點解你哋都唔應我？你哋應下我啦！我喺度啊！

（開始崩潰）我好驚啊！爹哋媽咪我好驚呀！

（燈暗）

（童童在黑暗與光明之間徘徊，恐懼片段入）



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場：平淡生活

母--- 白恤衫、西褲、圍裙；女--- 校服；爸--- 白恤衫、校褲、馬甲

(時空回到童童的記憶裡)

(家中)(燈亮)

母：起身啦起身喇，七點鐘喇！

童：而家先至六點，再瞓多 5 分鐘啦。

母：快啲去刷牙，再唔起身就要遲到喇！

童：嚟.....啦(伸懶腰、打喊路)

母：快啲出嚟著衫，今日凍，着多條厚啲嘅褲。

童：唔要呀唔要呀唔要呀 (快速及由強至弱)，好醜樣呀，同學會笑我架！

母：快啲，唔好再扭計啦，叫你着就着！

母：我為你好咋！

童：媽咪你有冇見過我書包？

母：成日係到問，你自己去搵喇。

父：(躺在沙發上) 食咗早餐先喇，一陣間再講啦！

母：食食食，一日到黑，就知道食！

童：媽咪煮嘅一定係色香味俱全，一聞到個肚就打曬鼓。

母：你呀，成日淨係講埋啲沒用嘅嘢！（偷笑）

童：Daddy 都係咁諗㗎，唔通唔係咩？

父：真係太好味啦！以後食唔到點算呀？（誇張）

童：Daddy 我準備好，可以出門口啦。

父：咁叻，但係等等先，(轉向媽媽，拿出盒子) 你睇吓哩個係？

母：算你啦，記得我們嘅周年紀念，但係又係氣球？

父：你唔記得啦？呢樣野對我哋好重要架！



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

母：記得，黃色氣球啊嘛，我就係因為哩個氣球被你呃走！哈哈哈哈哈！

童：哦！Daddy 呃媽咪！

母：好啦好啦，快啲出門口啦，唔係遲到㗎喇！

父：係喎，童童行啦！

童：差你咋，daddy！

（燈暗）